

S'Arrodia

Custa Arrodia nàscia po brulla,
in armonia in s'ora trulla.
Prima ita nai de su traballu
totus cantai bolint in tallu.

De cuatru morus vessillu pigu,
portu in coru valori antigu,
chi aici siat ddu tengu a notu,
cun sa poesia cantu su connotu
Borombimbomboro

Lassaus su cantu sa beridadi
no seus santus, pecau nci dd at.
Mi dda difendu in su papai
ca no mi perdu in su bufai.

Bom bom bombimbombimbo'
Bandu a trogolus a sa furriada,
est melu solu che a manu pigada.
Is canis atesu no amesturai,
su pratu a mesu no mi lassu 'etai.

Ùmili gosu balit un ogu,
seu gelosu de custu logu.
Mi fatzu onori seu un'incantu,
de su valori ndi tengu bantu

Su coru praxit bellu ca murat,
rennit sa paxi in sa cultura.
Cun su folclori cantu in tundu,
bollu s'amori e paxi in su
mundu.